

Här Claude Wiseler  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 07. Februar 2024

Här President,

Sou wéi d'Chambersreglement et virgesäit, bieden ech lech, dës parlamentaresch Fro un d'Madamm Justizminister weiderzeleeden.

D'Gesetz vum 27. Juni 2018 « *instituant le juge aux affaires familiales, portant réforme du divorce et de l'autorité parentale* » gesäit zwou Forme vu Scheedung vir, nämlech « *le divorce par consentement mutuel* » an « *le divorce pour rupture irrémédiable des relations conjugales* ».

Während der Scheedungsprozedur kënnen vum Riichter, op Ufro vun engem oder béide Conjointen, provisoersch Moosnamen am Hibleck op dréngend Froen applizéiert ginn, déi sech z.B. op déi gemeinsam Kanner, d'Ressourcë vun der Koppel oder hir Wunneng während der Scheedungsprozedur bezéien. Dës Moosname gëlle just während der Scheedungsprozedur an halen op, wann d'Scheidungsurteil geschwat ass.

Elo ass et sou, datt et an der Praxis ka virkommen, datt eng vun de Parteien en Interessi kann drun hunn, datt esou provisoersch Moosname méiglechst laang daueren an déi aner awer der Iwwerzeegung ass, datt et héich Zäit gëtt fir déi provisoersch Moosnamen emzeänneren oder opzehiewen, och schonn ier en Urteil geschwat gëtt. Eng kloer Reegelung iwwer d'Dauer vun esou provisoersche Moosname gëtt et menges Wëssens net, ausser datt si eben net méi gëllen wa bis en Urteil geschwat gouf.

Datt et net onbedéngt en "neit Element" an esou engem Dossier gëtt ass dann normal wann d'Parteien sech den Dispositiounen vum Geriicht fügen, esou wéi dat jo och soll sinn. Dacks ginn dann awer aus "provisoersche Moosnamen" dauerhaft Zoustänn.

An deem Kontext wéilt ech der Regierung dës Froe stellen:

1. Gëtt et statistesch Donnéeën doriwwer, ewéi laang "provisoersch Moosname" daueren?
2. Gëtt et an der Lëtzebuerger Magistratur eng allgemeng Opfaassung doriwwer, wéi laang provisoersch Moosname kënnen dauere bis si méiglechst sollten iwwerpréift ginn?
3. Ass d'Madamm Minister der Meenung, datt provisoersch Moosnamen déi vun engem Geriicht geschwat goufe sollen d'office periodesch iwwerpréift an eventuell amendéiert ginn?

4. Gëtt et am Ausland, zum Beispill an der Belsch oder a Frankräich, méi präzis Reegelen iwwer de Gebrauch, d'Dauer oder d'Revisioun vu provisoresche Moosnamen?
5. Besteet de Risiko, datt Lëtzebuerg vun internationalen Instanzen oder Geriichter kéint wéinst der Handhabung vu "provisoiresche" Moosname kritiséiert oder condemnéiert ginn?

Mat déiwem Respekt,



Fernand Kartheiser  
Deputéierten